



Cumün da Valsot

Poz 86 • CH-7556 Ramosch
Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Protocol

Radunanza cumünala dals 16.9.2016

Presidi: Peer-Puorger Victor

Preschaint: 150 votantas e votants

S-chüsà: Cla Nogler, Nicodemo Primerano, Plasch Oswald e Georg Janett

Scrutinadurs e büro electoral: Jachen Andrighetti / Andri Cantieni / Corsin Casura / Mario Oswald

Protocol: Fallet-Taverna Marco

tractandas	tema	respunsabel
------------	------	-------------

011 Legislativa
7 **Acconsentimaint protocol**

011 Legislativa
8 **Elecziuns cumünalas per la perioda d'uffizi 2017 - 2020**

790 Planisaziun dal territori
9 **Cumprita parcella 367, Quadra da Punt**

011 Legislativa
10 **Varia (radunanza cumünala)**

011 Legislativa
7 **Acconsentimaint protocol**

Il protocol da la radunanza cumünala dals 28 da gün 2016 vegn approvà.

011 Legislativa
8 **Elecziuns cumünalas per la perioda d'uffizi 2017 - 2020**

Introductivmaing propuona il capo ils scrutinadurs, chi fuorman a medem temp il büro electoral. Quai sun: *Jachen Andrighetti / Andri Cantieni / Corsin Casura / Mario Oswald*. La radunanza conferma ad els cun vusch unanima.

Interessentas ed interessents per üna carica han gnü la pussibilità da s'annunchar fin a la fin dal mais avuost per preschantar a la populaziun lur interess per üna carica. Sainzoter pon però eir a chaschun da la radunanza gnir fattas ulteriuras propostas.

Il vicepresidente, Armon Mayer, surpiglia la bachetta regard l'elecziun dal capo cumünal. El manzuna, cha'l capo, Victor Peer, haja prestà fich buna lavur a böen dal cumün e chi nu saja hozindi plü uschè simpel da manar ün cumün. Quella lezcha es dvantada zuond pretenziusa. El appella a la radunanza per ün'onuravla e meritada conferma da Victor Peer.

Elecziun dal capo

Sco capo cumünal es metta a disposiziun Victor Peer.

Elet vegn:

total vuschs	majorità assoluta	candidat	vuschs
140	71	Victor Peer	103
<i>implü survgni vuschs han:</i>			
		<i>Cla Duri Janett</i>	21
		<i>Singuls</i>	16

Il nouvelet capo piglia il pled ed ingrazcha per l'elecziun e per la fiduzcha demuossada in sia persuna. El manzuna chi nun es adüna simpel a far dret a tuots, però cha'l gremi politic sto agir seguond las prescripziuns da la ledscha a böen dal cumün.

Elecziun da la suprastanza cumünala

Commembers chi prevezzan da metter a disposiziun lur carica han, seguond constituziun cumünala, d'inoltrar lur demischiun in scrit a la suprastanza cumünala fin il plü tard als 30 da gün da l'on d'elecziuns. Men Notegen e Mario Molinaro vaivan inoltrà lur demischiun. Sco novs commembers as mettan a disposiziun Ursina Caviezel ed Arno Kirchen, tuots duos da la fracziun Tschlin.

Elets vegnan:

total vuschs	majorità assoluta	Candidat(-a)	vuschs
499	63	Ursina Caviezel nouv	132
		Armon Kirchen nouv	117
		Fadri Riatsch conferma	98
		Armon Mayer conferma	84
<i>implü survgni vuschs han:</i>			
		<i>Singuls</i>	68

Ils 4 suprastants elets ingrazchan per l'elecziun e pella fiduzcha demuossada da la radunanza in lur personas. Els decleran da vulair executar lur carica seguond meglider savair e pudair.

Eleccziun cussagl dal scuola

Anita Laurent-Tönnett e Gisep Rainolter vaivan inoltrà lur demischiun. Sco nouvs commembers as mettan a disposiziun Daniel Marti, Martina e Flurin Nef, Ramosch.

Elets vegnan:

total vuschs	majorità assoluta	candidat	vuschs
537	68	Milena Horber conferma	136
		Daniel Marti nouv	134
		Plasch Oswald conferma	130
		Flurin Nef nouv	128

implü survgni vuschs han:

		Singuls	9
--	--	---------	---

Eleccziun cumischiun sindicatoria

Pro la cumischiun sindicatoria nu sun entradas ingünas demischiuns.

Confermats vegnan:

total vuschs	majorità assoluta	candidat	vuschs
		Enrico Kienz	135
		Jon Pitschen Janett	130
		Jon Prevost	123

implü survgni vuschs han:

		Singuls	8
--	--	---------	---

Il capo, Victor Peer, ingrazcha a tuots novelets pella prontezza da's avair miss a disposiziun per üna carica cumünala e tils giavüscha in quella prosperimaint e satisfacziun.

790 Planisaziun dal territori

9 **Cumprita parcella 367, Quadra da Punt**

Il capo, Victor Peer, infuormescha:

Il terrain avant la Punt da la Brancla sper la via chantunala es vnal. La suprastanza vaiva decis da surtour la surfatscha in möd gratuit e percenter d'allontanar ils stabilimaints e meglionar l'aspet da cumün. A quel intent nu vaiva la banca respunsabla da l'Austria aderi. Davopro es lura istess gnü suottamiss al cumün la proposta da vender la parcella no. 367 per frs. 1'000.--. La surfatscha importa 896 m2, dimena 894 m2 sün zona d'agricultura e 2 m2 sun zona silvicultura. La Curia Treuhand SA surpiglia ils cuosts d'inscripziun a charg da la massa da fallimaint da la ditta Linard Quadroni SA.

La radunanza es perinpletta cun quai e conceda, sainza discussiun, il credit bsögnaivel da frs. 1'000.00 cun vusch unanima.

011 Legislativa

10 **Varia (radunanza cumünala)**

Da la tractanda Varia nu vegn fat adöver.

Il capo concluda la radunanza a las 22.30h, ingrazcha a tuots cordialmaing pella gronda partecipaziun e giavüscha ün bun arriv a chasa.

7556 Ramosch, 03.10.2016



Il capo:

Il manader administraziun: